

АҚПАРАТТЫҚ ХАБАРЛАМА

БЖЗК зейнетақы активтерін басқару тақырыбы бойынша Қаржы журналистикасы мектебін өткізді

Наурыздың 13-нде Алматыда "Бірыңғай жинақтаушы зейнетақы қоры" АҚ (БЖЗК) жинақтаушы зейнетақы жүйесі мәселелеріне арналған қаржы журналистикасы мектебін өткізді. Биылғы іс-шара зейнетақы активтерін басқару тақырыбына арналды. Мектеп жұмысына бұқаралық ақпарат құралдарының өкілдері офлайн және онлайн форматта қатысты.

Курсқа спикер ретінде БЖЗК сарапшылары, Қазақстан Республикасы Ұлттық Банкінің (ҚРҰБ) өкілдері, сондай-ақ инвестициялық портфельді басқарушылар (ИПБ) қатысып, сұрақтарға жауап берді.

Іс-шара барысында сенімгерлік басқарушы ҚРҰБ мен жеке басқарушы компаниялардың зейнетақы активтерін басқару мәселелері, инвестициялық портфельді әртараптандыру қағидаттары, қаржы нарығындағы ағымдағы үрдістер, сондай-ақ инвестициялық қызметтің тиімділігін арттыру жөніндегі шаралары қаралды.

Инвестициялық портфельді басқарушылар инвестициялық стратегияларды қалыптастыру критерийлері мен қолданылатын қаржы құралдары туралы егжей-тегжейлі баяндап, активтердің құрылымы және кірістілікке әсер ететін факторлар туралы ақпарат берді.

Инвестициялық портфель басқарушыларын таңдауға мүмкіндік беретін жаңа цифрлық порталға ерекше назар аударылды. Платформа ИПБ туралы негізгі ақпаратты бірыңғай цифрлық кеңістікте біріктіреді және инвестициялық қызмет туралы деректерді жүйелі түрде ашуды қамтамасыз етеді. Жобаны іске асыру салымшылар үшін ашықтық пен хабардарлығын арттыруға бағытталған.

БЖЗК қаржы журналистикасы мектебін дәстүрлі түрде жинақтаушы зейнетақы жүйесі тақырыбын жариялау сапасын арттыру және медиа-қоғамдастық өкілдерінің кәсіби құзыреттерін дамыту мақсатында өткізеді.

БЖЗК 2013 жылғы 22 тамызда «ГНПФ» ЖЗК» АҚ негізінде құрылды. БЖЗК құрылтайшысы және акционері – Қазақстан Республикасы Қаржы министрлігінің «Мемлекеттік мүлік және жекешелендіру комитеті» ММ арқылы Қазақстан Республикасының Үкіметі. БЖЗК зейнетақы активтерін сенімгерлікпен басқаруды Қазақстан Республикасының Ұлттық Банкі жүзеге асырады. Зейнетақы заңнамасына сәйкес БЖЗК міндетті зейнетақы жарналарын, жұмыс берушінің міндетті зейнетақы жарналарын, міндетті кәсіптік зейнетақы жарналарын, ерікті зейнетақы жарналарын тартуды, сондай-ақ "Қазақстан Республикасының екінші деңгейдегі банктерінде орналастырылған депозиттерге міндетті кепілдік беру туралы" Қазақстан Республикасының Заңына сәйкес депозиттерге міндетті кепілдік беруді жүзеге асыратын ұйым аударған кепілдік берілген депозит бойынша кепілдік берілген өтемнің талап етілмеген сомасы есебінен қалыптастырылған ерікті зейнетақы жарналарын есепке алып, оның есебін жүргізеді, зейнетақы төлемдерін жүзеге асыруды қамтамасыз етеді. Сондай-ақ Қор нысаналы активтер мен нысаналы талаптарды есепке алуды, нысаналы жинақтау шоттарына нысаналы жинақтарды (НЖ) есепке алу мен есептеуді, НЖ төлемдерін оларды алушының банк шоттарына есептеуді, "Ұлттық қор – балаларға" бағдарламасы шеңберінде Қазақстан Республикасының Үкіметі айқындаған тәртіппен НЖ қайтарымдарын есепке алуды жүзеге асырады (толығырақ www.enpf.kz сайтында).

